



FAZAKKIR

e-Tazkirah | Bil. 29 | Januari 2024 - Jamadil Akhir 1445H

Keberkatan Umur

لَا تَزُولُ قَدَمَا ابْنِ آدَمَ يَوْمَ الْقِيَامَةِ مِنْ
عِنْدِ رَبِّهِ حَتَّى يُسْأَلَ عَنْ خَمْسٍ
عَنْ عُمُرِهِ فِيمَا أَفْنَاهُ وَعَنْ شَبَابِهِ فِيمَا
أَبْلَاهُ وَمَالِهِ مِنْ أَيْنَ اكْتَسَبَهُ وَفِيمَ أَنْفَقَهُ
وَمَاذَا عَمِلَ فِيمَا عَلِمَ

أَوَلَمْ نَعْمَرْكُمْ مَّا يَتَذَكَّرُ فِيهِ مَنْ تَذَكَّرَ

"Bukankah Kami telah melanjutkan umur
kamu dan memberikan masa yang cukup
untuk berfikir."
al-Fatir : 37

- "Tidak akan berganjak kaki anak Adam di sisi Tuhannya pada hari Kiamat, hingga dia ditanya tentang lima perkara: **tentang umurnya untuk apa dia habiskan**; tentang masa mudanya untuk apa dia gunakan; tentang hartanya dari mana dia dapatkan; dan kemana dia belanjakan; dan apa sahaja yang telah dia lakukan dari ilmu yang dimilikinya"

(Riwayat at-Tirmizi)

- **Umur ialah jangka masa hidup atau hayat seseorang (sesuatu) mulai dilahirkan** (Kamus Dewan Edisi ke-4).
- Al-Quran dan Hadis membahagikan peringkat umur manusia bagi menentukan taklif (menunaikan kewajipan) mereka dari segi tahap kematangan dan kemampuan berperanan bagi diri, keluarga dan masyarakat kepada beberapa peringkat umur. Antaranya yang dinamakan dengan **mumaiyiz, baligh dan al-rusyd**.



Syeikh Sayyid al-Tantawi dalam Tafsir al-Wasith menyatakan ketika menafsirkan ayat ini bahawa Allah SWT menegur insan-insan yang terus kekal dan lalai dengan kehidupan dunia sedangkan usia mereka itu mampu untuk mencari kebenaran atau cahaya keimanan.



Setiap insan yang mengaku beriman kepada Allah SWT dan juga hari akhirat tidak boleh mensia-siakan usia yang diberikan oleh Allah SWT kepadanya. Usia atau umur tersebut perlulah diisi dengan perkara-perkara yang bermanfaat seperti melakukan amal soleh dan menuntut ilmu.



Sebenarnya, dalam soal usia, yang lebih utama ialah kualiti hidup yang dijalani, bukan panjang atau pendeknya kehidupan itu. Maka sebahagian manusia memperoleh keberkatan dan kemuliaan dalam hidupnya disebabkan oleh amalan dan sumbangannya, manakala yang lain pula tidak memperoleh sebarang kebaikan untuk bekalan Hari Akhirat walaupun berumur panjang.

Diterbitkan oleh Unit Hal Ehwal Islam UiTM Cawangan Selangor